

¡BOMBA!

Nomás una preguntita
que no tiene fin funesto:
cuando se hace el presupuesto,
¿siempre hay herencia maldita?



K'intsil

Jueves 11 de septiembre de 2025

CAMPECHE · YUCATÁN · QUINTANA ROO · AÑO 11 · NÚMERO 2562 · www.lajornadamaya.mx



/ p9
Boonil cortesía

U tukulta'al bix je'el u muk'a'ankúunsa'al maaya t'aan yéetel digital nu'ukulo'ob, u nooyil meyaj Campamento Catalizador

Ti'al u winalil octubre, tu kaajil Chelem yaan u much'kubáaj 20 máaxo'ob t'anik maaya ti'al u tsikbalta'al ba'axo'ob ku páajtal u beeta'al ti'al u mu'uk'ankúunsa'al t'aan ti' medios digitales.

Rising Voices' t'aan u k'amik u k'aaba' máaxo'ob ku tukultiko'ob je'el u táakpajalo'ob ti' le meyaj. Unaj maanal 18 u ja'abil máak, ts'o'oke' unaj xan kaja'an Kaanpech, Quintana Roo wa Yucatán. A'alabe' ma' k'a'abéet u yojel máak bix u yúuchul meyaj yéetel tecnología' mix xan t'aan u beeta'al jump'eel proyecto'; tak chéen yéetel u tuukulil ba'ax taak u beetik máake, ma'alob. U tuukulile' u béeytal

u tsikbalta'al yéetel u tukulta'al ba'axo'ob ku béeytal u beeta'al yéetel bixij, tu'ux ka táanilkunsa'ak u táakpajal kaaj.

Ti'al le meyaj' ku tukulta'al u k'amal máak desde tu k'iinil 6 tak 11 ti' octubre ti' jump'eel naj tu kaajil Chelem, tu'ux yaan u ts'a'abal tu'ux u wenel máak, beyxan yaan u ts'a'abal u janalill. U tuukulile' ka úuchuk meyaj bul k'iin.

Te'el k'iino'obo', ku tukulta'al u tsikbala'al jejeláas ba'alo'ob yéetel u nu'ukulil tecnología, beyxan u tukulta'al bix je'el u meyajta'al ba'al ti'al u táakmuk'ta'al maaya t'aan, je'el bix xan bix u yúuchul múul

meyaj ichil máaxo'ob u k'aato'ob ka mu'uk'anchajak le t'aano'.

Tukulta'an u béeytal u táakpajal 20 máako'ob, ts'o'oke' xma' bo'olil. Rising Voices' yaan xan u ts'aak áantaj ti'al u béeytal u k'uchul máak tak te'el kaajo'. U ts'ook k'iinil u ts'iibtik u k'aaba' máake' 14 ti' septiembre. Ku béeytal u xak'alta'al uláak' ba'alo'ob tu kúuchil rising. globalvoices.org. U k'aaytal máaxo'ob kun táakpajale' yaan u jóok'sa'al 19 ti' le winala'.

Máaxo'ob u k'aat u yojéelt uláak' ba'ale' ku páajtal u túuxtik ts'iib ti' lorenzo. itza@globalvoices.org y sasil.sanchez@globalvoices.org, wa WhatsApp ti' 999 747 8656 yéetel 985 111 7678.